



ADVANTIS NEWSLETTER

Izdanje br. 50



Poštovani klijenti i partneri,

Pred vama je **50. sedmično izdanje** Advantis Newslettera.

Tržišta se brzo mijenjaju i pružaju mnogo investicionih mogućnosti, a pravi rezultati dolaze samo onima koji znaju **gdje, kada i kako** investirati. Upravo zato u svakom izdanju donosimo svježije informacije, ideje i zanimljive investicione priče.

Hvala vam što čitate i podržavate naš rad.

Srdačno,

[Advantis Broker tim](#)



U ovosedmičnom izdanju pročitajte:

- ✓ Godinu dana Advantis newslettera: hvala vam što nas pratite i čitate
- ✓ Korporativni kalendar za sedmicu pred nama
- ✓ Podsjećamo: Sutra počinje upis i uplata obveznica MKD PRIVREDNIK iz 7. emisije
- ✓ Raiffeisen banka istovremeno realizovala emisiju obveznica kroz javnu i zatvorenu ponudu
- ✓ Južna Koreja i Japan žele da kroz tehnološki razvoj zadrže nezavisnost u odnosu na SAD i Kinu
- ✓ Meta planira da ponudi svoja cloud i AI rješenja drugim kompanijama
- ✓ Trka NLB i Raiffeisen banke za preuzimanje Addiko banke još traje
- ✓ Fireside Chat: zlato, srebro i pogled na naredni ciklus
- ✓ OpenAI predlaže državi udio od 5% u kompaniji

Godinu dana Advantis newslettera: hvala vam što nas pratite i čitate

Prije tačno godinu dana poslali smo prvo izdanje Advantis newslettera. Danas, 50 izdanja kasnije, newsletter prati više od 700 pretplatnika.

U proteklih godinu dana pisali smo o finansijskim rezultatima najvećih globalnih kompanija, kretanju cijena akcija kompanija, različitim opcijama za ulaganje, pratili smo kako je AI promijenila poslovne modele i tržišne procjene kompanija, i izvještavali o akvizicijama koje su preoblikovale čitave industrije. Kroz sve te teme nastojali smo da vam donesemo relevantan i razumljiv sadržaj koji može biti od koristi u donošenju investicionih odluka.

Zahvaljujemo se svim čitaocima koji su od prvog izdanja sa nama, onima koji su nam se priključili usput, i svima koji su newsletter podijelili sa kolegama, prijateljima i poslovnim partnerima.

Mi nastavljamo dalje, sa istom pažnjom i, nadamo se, još boljim sadržajem. Imajući to u vidu potrebno nam je vaše mišljenje, te bismo vas zamolili da izdvojite 1–2 minute i date nam povratne informacije na naš newsletter popunjavanjem upitnika klikom na dugme ispod.

Upitnik

Korporativni kalendar za sedmicu pred nama

Ove sedmice polako počinju kompanije izvještavati o rezultatima poslovanja za drugi kvartal 2026. godine:

- Srijeda, 08.07.2026 – Levi Strauss (LEVI)
- Četvrtak, 09.07.2026 – Pepsi Co (PEP)
- Petak, 10.07.2026 – Delta Air Lines (DAL)

Korporativni kalendar je dostupan na linku: [korporativni kalendar](#)

Podsjećamo: Sutra počinje upis i uplata obveznica MKD PRIVREDNIK iz 7. emisije

[MKD PRIVREDNIK d.o.o. Bijeljina](#) sedmom emisijom obveznica emituje 15.000 obveznica, pojedinačne nominalne vrijednosti 100,00 KM, ukupne nominalne vrijednosti emisije **1.500.000 KM**.

Početak upisa i uplate je, sutra, **7. jula 2026. godine**.

Dospijeće emisije je **3 godine** od dana registracije obveznica iz emisije u Centralnom registru hartija od vrijednosti a.d. Banja Luka. Kamatna stopa iznosi **7,00 %** na godišnjem nivou. Glavnica i pripadajući dio kamate isplaćivaće se u **jednakim mjesečnim anuitetima** (36 anuiteta).

Obezbjeđenje su **mjenice** Društva.

Više informacija o emisiji obveznica, poslovanju ovog MKD, te načinu kupovine obveznica preko ovlaštenih brokera je dostupno u [Javnom pozivu za upis i uplatu](#) i [Jedinstvenom prospektu](#).

Raiffeisen banka istovremeno realizovala emisiju obveznica kroz javnu i zatvorenu ponudu

Raiffeisen Bank d.d. Bosna i Hercegovina realizovala je emisije obveznica u ukupnoj vrijednosti od 100 miliona KM postavši prva banka u BiH koja je kroz dvije simultane emisije kombinovala javnu ponudu i zatvorenu prodaju poznatim investitorima.

Emisija je realizovana kroz dva dijela: javnu emisiju u iznosu od 40 miliona KM, te zatvorenu prodaju u vrijednosti od 60 miliona KM. [Više](#)

Južna Koreja i Japan žele da kroz tehnološki razvoj zadrže nezavisnost u odnosu na SAD i Kinu

Južnokorejske kompanije [Samsung, SK Hynix i Naver planiraju da ulože oko 880 milijardi USD u razvoj čipova i data centara](#) u narednim godinama, što predstavlja oko 5% GDP Južne Koreje. Predsjednik Južne Koreje je Samsung i SK Hynix nazvao „nacionalni herojima“, dok je [premijerka Japana najavila ulaganje od 2,3 triliona USD u narednih 14 godina u sektore poluprovodnika, vještačke inteligencije i odbrane](#).

Sve više vlada smatra da ulaganje u proizvodnju čipova, izgradnju data centara i drugih segmenata lanca vrijednosti vještačke inteligencije postaje novo geopolitičko oružje, što bi im omogućilo smanjenje uticaja SAD i Kine, pogotovo iz razloga što Kina dominantno kontroliše tržište rijetkih metala koji su veoma bitni u razvoju industrije poluprovodnika, čipova i data centara. Početkom prošle sedmice Kina je uvela dodatnu [kontrolu izvoza rijetkih metala na tržište Japana](#).

Meta planira da ponudi svoja cloud i AI rješenja drugim kompanijama

Odmah nakon objave u prošlu srijedu da Meta planira da ponudi svoja cloud i AI drugim kompanijama cijena akcija je snažno skočila. Ukoliko se ova vijest ispostavi kao tačna Meta će se pridružiti Amazon Web Service, Microsoft Azure i Google Cloud koji već godinama ulažu u cloud i AI rješenja i ostvaruju redovne prihode iznajmljujući svoja rješenja drugim kompanijama. Ovaj biznis model omogućava najvećim kompanijama da iskoriste svoju veoma jaku finansijsku i tržišnu moć i da optimizuju ogromna ulaganja u AI i cloud infrastrukturu. [Više](#)

Trka NLB i Raiffeisen banke za preuzimanje Addiko banke još traje

Uprava Addiko Bank AG odlučila je da [povuče raniju preporuku akcionarima](#) da prihvate ponudu Raiffeisen Bank Internationala (RBI) za preuzimanje, nakon što je slovenačka Nova

Ljubljanska banka (NLB) dodatno poboljšala konkurentsku ponudu.

Kako prenosi SeeNews, uprava Addika sada ne preporučuje ni prihvatanje ni odbijanje ponude RBI-ja. Istovremeno, nije promijenjen ni raniji stav prema ponudi NLB-a: i za nju se akcionarima ne daje preporuka ni da je prihvate ni da je odbiju.

Razlog je specifičan: iako je ponuda NLB-a finansijski znatno atraktivnija, uprava Addika upozorava da ostaje neizvjesno da li ona može biti uspješno realizovana, prije svega zbog uslova da je prihvatiti najmanje 75 odsto akcionara.

NLB je 13. maja objavio početnu ponudu od 29 eura po akciji Addika, dan prije nego što je austrijski RBI objavio svoju ponudu od 26,5 eura po akciji. Uprava Addika tada je preporučila akcionarima da prihvate ponudu RBI-ja, ocjenjujući da postoji razumna vjerovatnoća da će RBI dostići minimalni prag prihvatanja od 75 odsto.

Od tada se odnos snaga promijenio. NLB je ponudu podizao dva puta: prvo na 33,5 eura po akciji, a zatim na 37 eura po akciji. Obje konkurentske ponude otvorene su do 22. jula. Do tada će se vidjeti da li će RBI zadržati stečenu prednost u prihvatanjima ili će veća cijena NLB-a natjerati dio akcionara da promijeni stranu.

Fireside Chat: zlato, srebro i pogled na naredni ciklus

Prošle sedmice organizovan je fireside chat: Pinnacle Silver & Gold, Ronald-Peter Stöferle & Michael Kott (govornik na Advnatis Investicionom Forumu 2024)

Fokus razgovora, između ostalog, bio je na performansama zlata i srebra tokom 2025. godine, koja je donijela izuzetno snažne prinose, dok se aktuelni pad od oko 25% u odnosu na vrhunac ocjenjuje kao zdrava i očekivana konsolidacija, a ne signal preokreta trenda. Prema Incrementum modelu, cilj za zlato do 2030. godine iznosi 4.800 USD u baznom scenariju, odnosno čak 8.900 USD u agresivnijoj projekciji.

Kada je riječ o srebru, govornici su istakli da ono tradicionalno pokazuje veću volatilnost u odnosu na zlato, te da njegov dalji rast zavisi kako od kretanja cijene zlata, tako i od interesovanja investitora. Posebna pažnja posvećena je ulozi centralnih banaka, prije svega onih iz zemalja u razvoju, koje nastavljaju kontinuirano da povećavaju svoje rezerve fizičkog zlata, što predstavlja jedan od ključnih strukturnih faktora podrške cijeni.

Zanimljiv dio diskusije odnosio se na akcije rudarskih kompanija, čije performanse su zaostajale za kretanjem cijena samih metala, a kao glavni razlog navedeni su ograničen medijski prostor i nedovoljno analitičko pokrivanje ovog sektora, što otvara prostor za dodatnu edukaciju investitora.

Govornici su se usaglasili da trenutnu slabost na tržištu treba posmatrati kao priliku za kupovinu, uz oprez i selektivan pristup u odabiru pojedinačnih akcija, posebno u segmentu junior kompanija. Kompletan intervju je dostupan na [linku](#).

OpenAI predlaže državi udio od 5% u kompaniji

Kompanija OpenAI predložila je američkoj administraciji da država dobije udio od 5% u kompaniji, čime bi se ublažio rastući politički pritisak koji dolazi iz Washingtona. Na osnovu

posljednje procjene vrijednosti kompanije od 852 milijarde USD, ostvarene nakon rekordne runde finansiranja u martu, ovakav udio bio bi vrijedan otprilike 42,6 milijardi USD. [Više](#)

 **Razgovarajte sa nama**



Rezervišite besplatne konsultacije



Prosljedite prijateljima...

Smatrate da bi ovaj Newsletter koristio i drugima? Prosljedite prijateljima:

Prijavite se na Advantis Newsletter

VAŽNE NAPOMENE

Advantis Newsletter je publikacija koja je sačinjena u informativne svrhe i sadrži selektivni prikaz podataka tj. odabrane berzanske indekse, sektore, kompanije i finansijske instrumente te takvi podaci ne predstavljaju prijedlog za ulaganje niti investicijsku preporuku.

Publikacija je sačinjena na način da ne uzima u obzir posebne investicijske ciljeve, ograničenja, finansijsku situaciju ili druge potrebe bilo kojeg klijenta ili potencijalnog klijenta.

Ova publikacija koristi javno dostupne podatke, vijesti i analize koje objavljuju odabrani relevantni izvori kao što su na primjer Bloomberg i CNBC. Iako smatramo da su navedeni podaci pouzdani, ne garantujemo za njihovu tačnost, potpunost ili pravovremenost.

Objavom ove publikacije Advantis Broker a.d. Banja Luka ne snosi nikakvu odgovornost za posljedice ili za eventualnu štetu nastalu korištenjem objavljenih podataka.

Klijenti i potencijalni klijenti se posebno upozoravaju da istorijska kretanja vrijednosti pojedinog berzanskog indeksa ili cijene finansijskog instrumenta nisu indikativni za buduće rezultate, odnosno da u budućnosti mogu značajno varirati. Vrijednost ulaganja i prinosi koji proizlaze iz investicije mogu se kako smanjiti tako i povećati. Budući prinosi nisu zagarantovani, a investiranje u finansijske instrumente može za posljedicu imati čak i gubitak glavnice.

Ova publikacija ne mora sadržavati sve podatke i informacije koje klijentu ili potencijalnom klijentu mogu biti potrebne za donošenje informisane investicijske odluke te može pružati samo ograničen pogled na pojedino tržište.

Sjedište društva Advantis Broker a.d. Banja Luka je u Banjaluci, Krajiških brigada 113, a društvo posluje pod nadzorom Komisije za hartije od vrijednosti Republike Srpske.

Ova publikacija se ne smije reprodukovati, distribuirati ili objavljivati bez obzira na namjeru, bez prethodnog izričitog odobrenja Advantis Broker a.d. Banja Luka.



Advantis Broker a. d. Banja Luka

Krajiških brigada 113, Banja Luka, Bosna i Hercegovina

www.advantisbroker.com

To unsubscribe, click on the link

[Unsubscribe](#)

